

ԺՈՂՈՎՐԴԱՅԻՆ ԿՐԹՈՒԹԵԱՆ ԴԱՅՆԱԿՑՈՒԹԻՒՆԸ ՖՐԱՆՍԻԱՅՈՒՄ

1889 թ. Պարիզի ցուցահանդեսում միջազգային կոնգրեսների թվում կայացաւ նաև «Ժողովրդային կրթութեան գործի մասնաւոր նախաձեռնողների կոնգրէսը» (Congrès des représentants de l'initiative privée pour l'instruction populaire)։ Այդ ժողովի գաղափարը և կազմակերպութիւնը պատկանում են Ֆրանսիացոց «Ժողովրդային կրթութեան դաշնակցութեանը», որի գործունէութիւնը ամենափայլուն կերպով ապացուցանում է, թէ ինչ կարող է անել այդ ասպարէզում մասնաւոր նախաձեռնող թիւնը։ Ֆրանսիական դաշնակցութեան հիմնադիր ժան Մասէն սկսեց այդ գործը, երբ ինքը մի հասարակ ուսուցիչ էր Էլզասի փոքրիկ գիւղաքաղաքում՝ Բէրլինհեյմում։ Այդ մարդը, որ այժմ սենատի անդամ է և ահագին ժողովրդականութիւն է վայելում ամբողջ Ֆրանսիայում, բանւորի որդի է։ Լիրիտասարդ ժամանակ նա դրաւում էր սոցիալական գաղափարներով, մասնակցում էր 1849 թւի յուլիսի ապստամբութեանը, մինչև անգամ ստիպւած էր փախչել Պարիզից և բնակւել աւստրիական Նորմանդիայում կեղծ անունով։ Բայց երբ նա վերադարձաւ Պարիզ, իրերի դրութիւնը այնքան փոխւել էր, որ այլ ևս անօգուտ էր մտածել որ և է քաղաքական գործունէութեան մասին։ Նա տեղ բռնեց «La République» օրագրի խմբագրատան մէջ, որի յանձնարարութեամբ գնաց գաւառներում թղթակիցներ որոնելու։ Այդ ճանապարհորդութիւնը, Մասէի իրան ասելով, մեծ ազդեցութիւն ունեցաւ նորա յետագայ գործունէութեան վերայ։ Նա ճանապարհորդում էր մեծ մասամբ ոտով, քաղաքից քաղաք, շատ գիւղերում կանգ էր առնում։ Այսպէս տեղն ու տեղը շփւելով հասարակ ժողովրդի

կեանքի հետ, Մասէն միջոց ունեցաւ ճանաչելու նորա շահերն ու ձգտումները և համոզեց այդ շրջանում տիրող տգիտութեան մասին: Նա պարզ հասկացաւ, որ ժողովրդի տգիտութիւնը և այն, որ նա չի կարողանում բարեկամին թշնամուց ջնկել, գլխաւոր խոչնդոտներից մէկն էր Ֆրանսիացոց պետութեան կանոնաւոր զարգացման համար: Այդ միջոցին նորա գլխում առաջին անգամ միտք ծագեց ժողովրդի կրթութեան գործին նւիրելու: Բայց շատ տարի անցաւ՝ մինչև որ նա իրագործեց այդ միտքը: Ճանապարհորդութիւնից վերադառնալուց քիչ յետոյ նա ամուսնացաւ և թողեց աւուջւայ թափառական կեանքը: Նա ուսուցչութեան պաշտօն յանձն առաւ Էլզասի մի փոքրիկ գիւղի օրիորդաց դպրոցում և զաւարեց քաղաքականութիւնով պարապել, համոզելով որ այդ պարապմունքները ներկայ միջոցին բոլորովին անօգուտ են: Տասը տարի շարունակ նա ապրում էր հեռու հասարակական կեանքից, բոլորովին անձնաուր եզած իւր ուսուցչական դործին և, բացի դորանից, շարադրում էր մանկական ընթերցանութեան գրքեր: Այդ շարագրութիւններից ամենամեծ յաջողութիւնն ունեցաւ Վի կոոր հացի պատմութիւնը, որը թարգմանւած է ուսսերէն, նոյնպէս և հայերէն լեզուներով:

Բայց Մասէն այնքան ոյժ և եռանդ ունէր, որ նա չէր կարող բաւականանալ տարրական դպրոցում ուսուցչութիւն անելով, և նա 60-ական թւերի սկզբում սկսեց կազմակերպել «Վերին-Հռենոսի գիւղական գրադարանների ընկերութիւնը» (Société des bibliothèques populaires du Haut-Rhin), որին հիմք դրեցան նոյն գաղափարները, որոնց պարտական է իւր գոյութեամբ Մասէի ուրիշ, աւելի մեծ գործը՝ «Ժողովրդային կրթութեան դաշնակցութիւնը»: Գիւղական գրադարանների հիմնելուն Ֆրանսիայում առաջին անգամ զարկ տւեց տէրութիւնը: 1850 թւին, հասարակապետութեան նախագահ՝ պրինց Լուի Բոնապարտի հովանաւորութեան աակ սկիզբն առաւ մէկ ընկերութիւն, որը ինքն իրան նպատակ դրեց՝ բոլոր գիւղական համայնքներում գրադարաններ հիմնել: Այդ ընկերութեան անդամները մեծ մասամբ բարձր դասակարգի ազնւականներ էին՝ եկեղեցականներ և աշխարհականներ: Բայց այդ կառավարչական փորձը չլաջողւեց և ընկերութիւնը քայքայւեց, հէնց այն պատճառով որ գործի

գլուխն էին անցել: Մասէն բոլորովին տարբեր սկզբունքով էր առաջ-
նորդուում իւր ընկերութիւնը Հիմնելիս. նորա նպատակն էր մաս-
նաւոր նախաձեռնութիւն յարուցանել գիւղական հա-
սարակութեան մէջ և ստիպել նրանց, որ իրանք Հիմնէին գրա-
դարաններ: «Վերին-Հռենոսի գիւղական գրադարանների ընկերու-
թեան» անդամները պարտաւոր էին՝ ամեն մէկն իւր գիւղում աշ-
խատելու գրադարանի Հիմնարկութեան համար: Նոքա պիտի թոյլ-
տուութիւն ստանային մէրից համայնքերէց գործին համակրող մարդիկ
ճարէին, փող հաւաքէին և գրքեր բերել տային: Տարեկան անդամավճարը
5 ֆրանկ էր: Գլխաւոր գործունէութիւնը տեղական անգամների ձե-
ռին էր: Ընկերութեան դերը, ինչպէս Մասէն է ասում, կայանում էր
նորանում միայն, որ «շարկ տրւի»։ «Ջարկը վերելից տրւեց և
չը յաջողեց, ասում է նա իւր յողածում, գիւղական գրադարանների
մասին»։ Ուրեմն ինքներս սկսենք գործը և ամեն մէկս առանձին
աշխատենք գլուխ բերել այն, ինչ որ չը կարողացաւ անել տէրու-
թիւնը: Ժողովրդի մէջ լուսաւորութիւն տարածելու համար պէտք
է գիւղի մէջ գործել, մէկ մարդից դէպի միւսը անցնելով և կեն-
դանի խօսքով հարեւանների վերայ ազդելով... Իսկպէս «Վերին-
Հռենոսի գիւղական գրադարանների ընկերութեան» նպատակը չէ՝
Հիմնել գիւղերում գրադարաններ, այլ ստիպել գիւղի բնակիչներին,
որ նոքա իրանք Հիմնէն: Ի հարկէ այդ Հիմնարկութեան նախա-
ձեռնութիւնը չի կարող պատկանել անգրագէտ կամ կիսագրագէտ
գիւղացիներին, որոնք գիւղական դասի բնակիչների մեծամասնու-
թիւնն են կազմում: այդ պատճառով խօսքերս վերաբերում են գիւղի
աւելի լուսաւորած բնակիչներին—նոտարներին, կալածատէրերին
և արդիւնաբերական շրջաններում—գործարանատէրերին: Ամեն մէկ
գիւղում կարելի է գտնել այդ տեսակի ինտելիգենտներից մէկին,
որը իւր սրբազան պարտականութիւնը կը համարէր՝ գրատուն հիմ-
նելը և առհասարակ գիտութիւններ տարածելը ժողովրդի մէջ: Գրքերի
ընտրութիւնը ամբողջովին յանձնւած էր գրադարանների տե-
ղական Հիմնադիրներին: Ընկերութիւնը միայն ուղարկում էր պատ-
րաստի եղած գրացուցակները և ամենայն կերպ նպաստում էր
որ ընտիր գրքեր գիւղը հասցնեն, գրավաճառների հետ պայմաններ
կապեն և ճանապարհածախսերը վճարեն:

«Վերին-Հռենոսի գիւղական գրադարանների ընկերութիւնը միանգամից սկսեց եռանդով գործել. մի տարուց յետոյ նա ունէր արդէն 930 անգամ և 30 գրադարան, գիւղական համայնքներում հիմնաւած: Ընկերութեան տարեկան հաշւի մէջ Մասէն ասում է՝ թէ դաշնակցութիւնը պէտք է ձգտէ նոր տարր մտցնել գիւղական կեանքի մէջ՝ մոռաւոր կեանք ստեղծելու: Վերջ պէտք է աշխատենք, ասում է նա—որ ամեն մի գիւղ ունենայ իւր գրադարանը, ինչպէս ունի իւր եկեղեցին, իւր դպրոցը, իւր մէրիէն (mairie), որ գրադարանը մի անքակտելի ամբողջութիւն կազմի դիւղի մնացած հիմնարկութիւնների հետ:

Ժողովրդական գրադարանի հիմնարկութեան օգտին սկսած շարժումը շատ արագ էր տարածւում, և Մասէն, այդ յաջողութիւնից զրդւած, մտածեց ընդլայնել ընկերութեան նպատակները և տարածել նորան ամբողջ Ֆրանսիայում: Նոր ընկերութեան ծրագրի մէջ պիտի մտնէր ոչ միայն ժողովրդական գրադարաններ հիմնելը, այլ նա պիտի կազմէր նաև հրապարակական դաստիարակութիւնների ժողովրդի համար, ժողովրդական ակումբներ, հասակաւորների երեկոցան դասեր և դպրոցներ փոքրերի համար. նա առհասարակ ամեն կերպ պիտի նպաստէր ժողովրդի կրթութեանը և մոռաւոր զարգացմանը: Եւ ահա ապիկ 1866 թ. հոկտեմբերի 25-ին Մասէն տեղական լրագրում մի հրաւեր տպեց, առաջարկելով ամենին, որոնց համար թանգ են ժողովրդի լուսաւորութեան շահերը, միանալ և ժողովրդային կրթութեան դաշնակցութիւն, կազմել: Մասէի հիմնական սկզբունքին համաձայն, դաշնակցութիւնը պիտի հիմնէր միայն ընկերութեանը համակրող անդամների մասնաւոր նախաձեռնութեան վերայ: Մասէի կարծիքով հասարակ ժողովրդի կրթութիւնը և զարգացումը խիստ կարևոր նշանակութիւն ունի մանաւանդ Ֆրանսիայում, որովհետև, ընդհանուր ձայնաւորութեան պատճառով, ժողովուրդն է գլխաւորապէս երկրի բախտը վճռողը:

Բայց ընդունելով հանդերձ «դաշնակցութեան» մեծ նշանակութիւնը ժողովրդի քաղաքական կեանքի նկատմամբ, Մասէն առաջին իսկ հրաւերում վճռողարար յայտնում է, թէ իւր առաջարկած ընկերութիւնը չը պէտք է ծառայի ոչ մի յայտնի՝ քաղաքական կամ կրօնական կուսակցութեան, այնպէս որ բոլորովին տարբեր համոզ-

մոռնքի տէր մարդիկ կարող են հաւասարապէս դաշնակցութեան մշակները լինել:

Մասէի նախագծի առանձնութիւնը նորանում էր կայանում, որ նորա դաշնակցութիւնը ոչ մի պարտաւորիչ ծրագիր չէր առաջարկում, այլ գործելու կատարեալ ազատութիւն էր տալիս «տեղական խմբերին», որոնց կազմակերպութեան վերայ պիտի աշխատէին դաշնակցութեան անդամները: Ամբողջ շարժման ծանրակէտը այդ տեղական խմբերի մէջն էր:

Երբ Մասէն տեղական լրագիրներում հրատարակեց իւր հրաւերները և սկսեց ստորագրութիւններ հաւաքել, զանազան կողմերից նամակով դիմում էին նրան խնդրելով, որ նա պարզի դաշնակցութեան նպատակները և նորա տարօրինակ կազմակերպութիւնը: Շատերը զարմանում էին, որ ծրագիր չկար, նիւթական միջոցները ամենեւին կենտրոնացրած չէին և տեղական խմբերին ինքիշխանութիւն էր շնորհւած: «Ել ի՞նչ նշանակութիւն ունի դաշնակցութիւնը, եթէ ամեն մի խումբ ուղածին պէս պիտի մշակէ իւր ծրագիրը և կանոնաւորէ իւր ելեմուտը, ասւած է այդ նամակներից մէկում: Այս բոլոր տարակուսանքները Մասէն աշխատում է փարատել իւր յօդւածով, որ ընկերութեան նպատակների մասին, որը զետեղւած է դաշնակցութեան երկրորդ տեղեկագրի մէջ: Ամենից առաջ նա շեշտում է որ իւր առաջարկած դաշնակցութեան մէջ ամենեւին չը պէտք է լինի կենտրոնական վարչութիւն, որ իւր ձեռքում ամփոփէր դրամագլուխը: Ընկերութեան կենտրոնը Բեռլին-հէյմումն է. այդտեղ ստացւում են բոլոր տեղեկութիւնները խմբերի, գործունէութեան մասին, այստեղից էլ փոխադարձաբար ուղարկւում են ժողովներին զանազան կարևոր տեղեկութիւններ: Այդտեղ են տպւում նաև ընկերութեան տեղեկագրերը: Այդ բոլորը մեծ ծախսեր չեն պահանջում, այն պատճառով էլ դաշնակցութեան փողերի մեծ մասը նոյնպէս պիտի գտնւի տեղական խմբերի տրամադրութեան տակ: Երբ որ և իցէ ընկերութեան նպատակն է մաքաւել մի որ և է հասարակական հիմնարկութեան դէմ, ինչպէս օրինակ Կորդէնի դաշնակցութիւնը հացի օրէնքների դէմ—ասում է Մասէն—այն ժամանակ հասկանալի է, որ նա պիտի կենտրոնացնի իւր (նիւթական) միջոցները՝ գործին աւելի ոյժ և միութիւն տալու համար: Բայց

այն շարիքը, որի դէմ մենք ենք կուռում, ասարածւած է ամեն տեղ և նորա դէմ շատ ու շատ տարիներ պիտի մտքաուել: Այս տեսակ հանգամանքներում, իմ կարծիքով, կենսորոնական գանձարանի պէտք չը կայ բոլորովին... Վթող, ով ցանկեանում է մեր դաշնակցութեան անդամ դառնալ, չը սպասէ ոչ ծրագրի հրատարակելուն, ոչ վարչութեան նշանակելուն — շարունակում է նա: Թող նոքա ընկերութեան մէջ մտնեն վճռելով, որ առանց վարչութեան կառավարեն, որ իրանք իրանց գործը կարգի դնեն, իրանք ծրագիր կազմեն իրանց գործունէութեան համար, իրանց պահանջներին համեմատու:

Եւմբերիս ծրագրի առիթով Մասէն աւելացնում է, թէ այժմ արդէն հազար տեսակ այլ և այլ անուններով պատրաստւած ևն ապագայ դաշնակցութեան համար՝ Ելրեֆի «Արդիւնաբերող Ընկերութիւնը», որը պարապում է ժողովրդական գրադարաններ և կուրսեր հիմնելով, «Ժողովրդական կրթութիւն քարոզող միութիւնը» նանտում, «Թողտաւէտ զիտութիւններ սարածելու ընկերութիւնը» Մուլինում և ուրիշ շատերը: Նոր խմբերը երկար չեն ման գալ ծրագրի յետևից, նոքա կարող են փոխ առնել յիշեալ նախորդներից: Մասէի կարծիքով, դաշնակցութեան դերը պիտի կայանայ նորանում, որ բոլոր գոյութիւն ունեցող ընկերութիւնների մէջ կապեր հաստատի և նորերը հիմնի նրանց նման:

Զը նայած որ Մասէի մտքերի նորութիւնը ու համարձակութիւնը մի քիչ տարակուսանք յարուցին, նորա դաշնակցութիւնը միանգամայն մեծ համակրութիւն գտաւ հասարակութեան կողմից: 1866 թւի նոյեմբերի 15-ին Մասէն տպեց իւր երկրորդ հրաւերը և այդ օրը դաշնակցութեան սկզբնաւորութեան օրն է համարուում: Առաջին երեք անդամներն և ստորագրութիւն տւողներն էին՝ մէկ որմնադիր, երկաթուղու մի կոնդուկտոր և մի քաղաքական սերժանտ: (Ցարեկան անդամավճարը մէկ ֆրանկից պակաս չը պիտի լինէր): Ինքը Մասէն չորրորդ ստորագրողն էր: Այսպէս չորս ստորագրութիւն ունենալով, նա լրագրում հրատարակեց թէ դաշնակցութիւնը դրականապէս գոյութիւն ունի արգէն: Մի ամիս անցած 510 անդամ կար, իսկ մի տարուց յետոյ նոցա թիւը հասնում էր 4792: Միևնոյն տարում նոցա հետ միացան մի քանի ընկերութիւններ, որոնք նոյնպէս իրանց նպատակ էին դրել՝ ժողովրդի մէջ

կրթութիւն տարածել, ինչպէս օրինակ, վերև յիշած Էլբեֆի «Արդիւնաբերող Ընկերութիւնը» և ուրիշները:

Շիւիլի գիւղի խումբը առաջինն էր, որ կազմեց դաշնակցութեան գաղափարների քարոզութեան շնորհիւ: Ահա այն նամակը, որ գրում է այդ խմբի Հիմնադիրը Մասէին (տպւած է դաշնակցութեան 3-դ տեղեկագրում 1867 թ. մայիսի 15-ին). «Ժողովրդական կրթութեան դաշնակցութեան» նախագծի շնորհիւ, որ դուք կազմել էիք, Շիւիլիի համայնքը ունի այժմ 140 հատորից բաղկացած ժողովրդական գրադարան, ուր այցելում են մեծ եռանդով: Անցեալ կիւրակի գրադարանի շինութեան մէջ սկսեցին մի շարք հրապարակական դասախօսութիւններ: Այդ տեսակ դասախօսութիւններ պիտի լինեն ամեն կիւրակի, իսկ դաշտային գործերը վերջացնելուց յետոյ — շաբաթը մի քանի անգամ: Այդ տեսակ հրապարակական ընթերցանութիւնները զօրեղ միջոցներից մէկն են ժողովրդի մէջ օգտաւէտ գիտութիւններ տարածելու համար, որովհետեւ նոքա ուսումնասիրութիւն են յարուցանում անգրագէտ ունկնդիրների մէջ և դորանով ստիպում են նոցա այցելել հասակաւորների դասերը, որ մուտքի են քշուտով բաց անել: Դաշնակցութեան անդամները միաք ունեն միւս տարի աւելի ընդլայնել իրանց գործունէութեան շրջանը: 1867 թ-ի անդամավճարները գրադարանի հիմնարկութեան վերայ ծախսեցան, իսկ հետեւեալ 1868 թ-ին խումբը կամենում է այսպէս կարգադրել իւր եկամուտը՝ մի երրորդ մասը գրադարանի պահպանութեան համար կը ծախսւի, իսկ երկու երրորդականը կը տան համայնքի ուսումնարանին, որպէսզի երեխաները ձրիապէս սկզբնական ուսում ստանան:

Շիւիլիի խմբի հիմնւելը մի նշանաւոր դէպք էր դաշնակցութեան պատմութեան մէջ. առաջին անգամ գործնականապէս իրագործւեցան նորա գաղափարները: Դա ցոյց տւեց որ առանց հետեւանքի չը մնացին Մասէի յսուածները, որոնց նպատակն էր մասնաւոր նախաձեռնութեան ոգին յարուցանել հասարակութեան մէջ: Հետեւեալ խումբը, որ կազմեց դաշնակցութեան գաղափարների ազդեցութեամբ — Մէջ քաղաքում էր: Այդ խմբին զօրաւոր դիմադրութիւն ցոյց տւին կղերականները, որոնք հէնց սկզբից բաղարձակ իրանց թշնամի յայտնեցին նոր շարժմանը: Մեցի արքեպիսկոպոսը նզովեց այդ խմբի կազմողներին,

որովհետև նոցա սխտեմաբար աշխատում էին կրօնի վարկը ձգելու։ Բայց կղերականների թշնամութիւնը չէր կարող խանգարել դաշնակցութեան գործը, որ շարունակ աճում և ամրանում էր։ Խմբեր էին կազմւում նանսիում, Տուլուզում, Հաւրում, Ռուանում, Մարսէլում և Վերջապէս Պարիզում բացւեց դաշնակցութեան մի ճիւղը Ֆլամմարիօնի նախագահութեամբ։ Այդ խումբը վերջերումս մեծ դեր էր խաղում դաշնակցութեան գործում, միջնորդ դառնալով Պարիզի գրավաճառների և գաւառներում գրադարաններ հիմնողների միջև։ Բացի քաղաքներից բազմաթիւ խմբեր էին հիմնում նաև գիւղերում։ Առհասարակ, Մասէի կարծիքով, դաշնակցութեան անդամները պէտք է աշխատէին առաւելապէս գիւղացիների մէջ գիտութիւն տարածել, որովհետև նոցա մէջ կրթութիւնը աւելի ուշ և աւելի դժւար է մտնում, քան թէ քաղաքի ստորին դասի բնակիչների մէջ։

Աւելի մանրամասն զննենք տեղական խմբերի գործունէութիւնը։ Ամենից առաջ խումբը գրադարան էր հիմնում։ Դաշնակցութեան անդամները հաւաքւում էին նշանակաւժ օրը, իրանց միջից ջնկում էին վարչութիւն, ստորագրութեամբ փող էին հաւաքում և մէրից թոյլատրութիւն էին խնդրում գրադարան բանալու համար։ Սրբաւական փող էին հաւաքում, գրքեր էին առնում, տուն էին վարձում և յայտնում էին, թէ գրադարանը բացւած է։ Գրքերից օգտուելու համար շնչին վարձ էին վերցնում՝ ամիսը մօտաւորապէս 5 սու (կամ 25 սանտիմ, ոսկով մօտ 6 կոպ.)։ Առհասարակ գրադարանը բացւելիս գրքերի թիւը շատ շնչին էր լինում, բայց յետոյ շատ մեծանում էր, և երբեմն նշանաւոր գումարի էր հասնում։ Օրինակ, Վերսայլի գրադարանը բացւելիս 100 գրքից աւել չուներ, իսկ 1889 թ. ին նորա մէջ կար 16,500 հատոր։ Տուլուզի գրադարանում կար 4,900 գիրք։ Շամբոն-Պոնտիւրի գրադարանում—2860 գիրք և այլն...

Դաշնակցութեան գոյութեան ոկգրում ժողովրդի համար առանձին գրականութիւն չը կար ձրանսիայում և ժողովրդական գրադարանների մէջ մտնում էին այնպիսի գրքեր, որոնք նշանակաւժ են հասարակութեան միջին դասի համար։ Այստեղ բերենք ժողովրդական գրադարանի գրացուցակը, որը կազմել է Պրանկլինի ընկերութիւնը (Այդ ընկերութիւնը հիմնւած է Պարիզում Ժիւլ Սիմոնի նախագահութեամբ, նորա նպատակն է՝ էժան գնով գրքեր ուղարկել

գիւղերի և ուսումնարանների գրադարաններին): Այդ գրացուցակը օրինակելի էր համարուում և շատ գրադարաններ, իրանց հիմնարկութեան ժամանակ, նորանից օգտւել են: Մեզ համար նա հետաքրքիր է մանաւանդ ինչպէս ապացոյց, որ Ֆրանսիայում ժողովրդի ստորին դասերը համեմատաբար բարձր են զարգացմամբ: Գրացուցակը ունի մինչև 500 պէրք և բաժանւած է մի քանի մասերի: Առաջնում, այն է կրօնի և բարոյագիտութեան բաժնում զետեղւած են ի միջի այլոց Բոսիւլէի, Ֆենելոնի, Շատոբրիանի երկասիրութիւնները, Պասկալի «Մտքեր»-ը, Ժիւլ Սիմոնի «Պարտիքը», Պատմական մասը նւիրւած է առաւելագէս Ֆրանսիայի պատմութեանը և այնտեղ զետեղւած են, օրինակ, այնպիսի լուրջ և ընդարձակ շարադրութիւններ, ինչպէս են Հանրի Մարտէնի՝ Ֆրանսիայի պատմութիւնը 17 հատորով, Նոյնպէս նորա՝ Ֆրանսիայի համառօտ պատմութիւնը 4 հատորով, յետոյ գալիս են Օգիւստեն Թիերիի պատմական շարադրութիւնները, Վօյլտերի՝ «Լույսովիկոս XIV-ի դարը», Միլնէի և Թիերի շարադրութիւնները յեղափոխութեան պատմութեան մասին, Հերոյոտի և Տացիտոսի գրւածքները, Մակոլէյի՝ «Անգլիայի պատմութիւնը»: Ֆրանսերէն վէպերից կամ թատերերգութիւններից քիչերն են առաջարկւած (չը պէտք է մոռանալ, որ գրացուցակը շինւած է վաթսուներկան թւերում)։ Կորնէյլ, Ռասին, Մոլիեր, «Պօլ և Վիրգիլէն», Բալզակի՝ «Էժենի Գրանդէն», Ժորժ Սան-ի վէպերը ժողովրդական կեանքից, Ժիւլ Վերնի և Էրկման-Շատրիանի ու մի քանի մանր հեղինակների գրւածքները—ահա այն բոլորը, ինչ որ հայրենի գրականութիւնից առաջարկւում էր ժողովրդին կարդալու: Թարգմանած վէպերի թիւը աւելի մեծ է, մանաւանդ անգլիացի և ամերիկացի հեղինակներից, օրինակ, գրացուցակում մտցրած են Վալտեր Սկոտտի բոլոր վէպերը, Դիկկենսի մի քանի վէպերը, Սելֆորտի՝ «Գիւլլիերի ճանապարհորդութիւնը», «Ռոբինզոն Կրուզէն», «Եղբայր Թոմի տնակը», Կուպերի, Մայն-Րիդի և Մարիեաի վէպերը: Ռուսաց գրականութիւնից երկու գիրք են առաջարկւած. Պուշկինի՝ «Կապիտանի ղուտորը» և Տուրգենէի, «Որսորդի օրագիրը»: Բնագիտական գրքերից՝ ցուցակում նշանակւած են ընդամենը 24 հատ: Նրանց մէջ են Bibliothèque utile-ի մի քանի հրատարակութիւնները, 50 սանտիմ ամեն մէկը, որոնք, պարզ

բան է, նշանակած են աշակերտների համար: Այդպէս են—Բրոուիէի՝ «Histoire de la terre», Մարգուէի «Les phénomènes de la mer» և այլն: Յետոյ գալիս են մասնագիտական գրքեր հողագործութեան և գիւղատնտեսութեան այլ և այլ ձիւղերին վերաբերեալ, առողջապահական գրքեր և վերջապէս քաղաքական տնտեսութեան վերաբերեալ գրքեր: Վերջին տեսակից ընդամենը 14 հատ են և նոցա թուում գտնուում են Բաստիայի և Սէյ-ի գրաւածքները:

Բացի գիւղական գրագարաններից դաշնակցութիւնը յանձն առաւ գրադարաններ հիմնել բանտերում, հիւանդանոցներում և զօրաններում:

Դժբաղդաբար Մասէի տեղեկագրերում շատ քիչ ծանօթութիւններ կան, թէ ժողովուրդը ինչպիսի գրքեր է կարդում առաւելապէս, բայց այդ քիչ տեղեկութիւններից էլ երևում է որ ընթերցողների գրական ճաշակը ամեն տեղ միատեսակ չէ: Մեծ մասամբ ամենից սիրւած գրքերը՝ վէպերն են, մանաւանդ յաջողութիւն են վայելում ժիւլ Վերնի, Մայն-Րիդի և Էրկման-Շատրիանի վէպերը: Համարեա բոլոր նամակներում, որ գրել են Մասէին գրադարանների հիմնողները, յիշուում է թէ ինչ յափշտակութեամբ են կարդում վերջինիս վէպերը: Բայց յիշում են նոյնպէս, որ ժողովուրդը հետաքրքրւում է նաև գիտնական գրաւածքներով: Սրինակ բերենք մէկ գրադարանպետի նամակը. այդ գրադարանը հիմնել է Ռեյմսի խումբը Վիլլեմինօի արհեստանոցներում, ուր բանում են մի քանի հարիւր մարդ: «Ընթերցողների մեծամասնութիւնը, կարելի է ասել, կլանում է գրքերը—գրում է նա Մասէին:—Կանայք էլ տղամարդոց պէս եւանդով են կարդում: Հետեւեալ նիստում ես պիտի խնդրեմ խմբի անգամներին գրքերի թիւը կրկնապատկելու: Մի շատ հետաքրքիր երևոյթ՝ վէպերի պահանջը ամենից քիչ է: Ամենից շատ ցանկանում են պատմական և բնագիտական գրքեր և ուղեգրութիւններ:»

Վերջերը դաշնակցութիւնը հիմնեց մի շատ օգտաւէտ բան, որ յարմար է մանաւանդ գիւղական համայնքներում, ուր այնպէս դժուար է գրքեր ձեռք բերելը: Դա այսպէս կոչւած «Թռուցիկ գրադարաններն են (Bibliothèques roulantes), որոնց նպատակն է գրքեր մատակարարել գիւղական ուսումնարանների աշակերտներին: Դոքա հետեւեալ կերպով են շինուում. կաղմուում է կենտրոնական վարչութիւն,

որը արկղներով գրքեր է ուղարկում ուսումնարաններին: Գրքերը, մէկ ուսումնարանում կարդալուց յետոյ, ուղարկւում են միւսը, այն-տեղից երրորդը և այլն, այսպիսով միեւնոյն գրքերը շրջւում են բոլոր, իրարից մօտ գտնուող ուսումնարանները: Այդ կարգը մոցրւեց առաջին անգամ Նանսիի տասը քաղաքային ուսումնարաններում և շրջակայքի 16 գիւղական ուսումնարաններում:

Ժողովրդական գրադարաններ հիմնելուց զատ դաշնակցութեան անդամները կազմում էին հրապարակական դասախօսութիւններ ժողովրդի համար: Դաշնակցութեան հիմնելուց 3 տարի յետոյ 16 ժողովներում արդէն այդպիսի ընթերցանութիւններ էին կազմւած: Գիւղերում ընթերցանութիւններ կազմելու գլխաւոր դժւարութիւնը դասախօսների պակասութիւնն էր, բայց այդ խոչնդոտը ևս հնարաւոր եղաւ վերացնել: Շատ գիւղերում այդ գործը յանձն առան միեւնոյն գիւղական ինտելլիգենտները, որոնց զիմել էր Մասէն իւր առաջին յօգւածներով: Այսպէս Բիբովիլ գիւղում (Ելզասում) դեղավաճառը կարդում էր քիմիայից, մէրը աստղաբաշխութիւնից, քահանան-բուսականութիւնից: Գիւղի բնակիչներից մէկը, որը մի քանի տարի ապրել էր Ամերիկայում, ծանօթացրեց այդ երկրի վարք ու լարքի հետ: Դաշնակցութեան քաղաքաբնակ անդամները նոյնպէս սկսեցին ժողովրդական ընթերցանութիւններ կազմել շրջակայ գիւղերում: Այսպէս, Մեցի լսարանի պրօֆեսոր Վակկան գնաց դասախօսութիւն անելու Սոլն գիւղում, ուր որ տեղական խումբը որոշել էր մի շարք հրատարակական դասախօսութիւններ կարդալու: Հողագործութեան մասին: Դաշնակցութեան աղբեցութեան տակ մէկ անասնաբու Ռեֆրեմոնից սկսեց մանգալ շրջակայ գիւղերում և դասախօսութիւններ կարդալ՝ անասունների վերայ կանոնաւոր կերպով: Հոգ ասանելու մասին: Վիրնոն գիւղաքաղաքում կազմւեց ամբողջ ընկերութիւն, որի նպատակն էր հարեան գիւղերում ժողովրդի համար ընթերցանութիւններ կազմել: Հողագործութեան և գիւղատնտեսութեան ուրիշ ճիւղերին վերաբերեալ: Որքան սիրով էր այցելւում այդ դասախօսութիւնները ժողովուրդը, կարելի է եզրակացնել հետեւեալ պատմութիւնից, որ Մասէն բերում է իւր տեղեկագրերից մէկում: Բժիշկ Տենտինգը, որը 5 տարւայ ընթացքում կարդացել էր 200-ից աւել ժողովրդական դասախօսութիւններ Իօննայի նահանգի գիւղերում,

պատմում էր դաշնակցութեան տեղական անդամների տարեկան նիստում, թէ մի անգամ դասախօսութիւնից յետ դառնալիս պատահում է մէկ ժանդարմ աստիճանաւորի, որը ասում է. «Դուք ստիպեցիք ինձ զուր տեղը ծանապարհ գնալու: Ես ուղարկած էի այստեղ կարգ պահպանելու գինեւորներում, բայց նոքա ձեր շնորհիւ համարեա դատարկ էին»:

Գիւղերում դասախօսութիւնները առհասարակ մասնագիտական բնաւորութիւն էին կրում, որովհետեւ նոքա գործնական հարցեր էին շօշափում հողագործութիւնից և գիւղատնտեսութեան այլ ճիւղերից: Իսկ քաղաքներում ընթերցանութիւնները աւելի բազմատեսակ և հետաքրքիր էին լինում: Սրինակ, Նանսիի խումբը կարդում էր հրապարակական դասախօսութիւններ Ֆրանսիայի բանւորների դրութեան մասին մինչև 1889 թիւը, ժաննա դ'Արկի մասին, առողջապահութեան մասին և այլն:

Ժողովրդական դասախօսութիւնները ծառայում էին իբրև ներածութիւն չափահասների կուրսերի համար, որոնք մի քանի ժամանակից յետոյ բացւեցան դաշնակցութեան համարեա բոլոր շրջաններում: Այդ կուրսերին օրինակ եղան Գերսիլլերի և Միւլհաուզէնի բանւորների երկույեան կուրսերը, որոնք բացւեցան 50-ական թւականներում: Այդ գործը սկսեց ժան Բուրկարը՝ Գերսիլլերի գործարանների աէրը: Սկզբում նա բանւորների համար գրադարան հիմնեց, յետոյ նրանց առաջարկեց իրար մէջ համաձայնել և միասին ընտրել այն առարկան, որը ամենից շատ հետաքրքրում է նրանց: Խնքը խոստացաւ տալ նոցա համապատասխան ուսուցիչ և ուրիշ յարմարութիւններ: Սկզբում ղեւար էր այդ գաղափարը բանւորների շրջանում պատուաստել: Ամենից առաջ խմբական երգեցողութեան համար խումբ կազմւեց: Յետոյ գործակատարները խումբ կազմեցին անգլիերէն սովորելու համար, դորանից յետոյ բանւորները արդէն սկսեցին միանալ՝ Ֆրանսերէն լեզու, թւաբանութիւն, գծագրութիւն և ուրիշ բաներ սովորելու համար: Երբ արդէն արւած էր առաջին քայլը, գործը արագ կերպով առաջ գնաց ու շուտով աշակերտները այնքան շատացան, որ գրադարանի շինութիւնը չափազանց նեղութիւն էր անում, և Ժ. Բուրկարը ստիպւեց նոր տուն շինել «բանւորների ճեմարանի» համար, ինչպէս անւանում է Մասէն այդ կուր-

սերը: Այդ տան մէջ, բացի 3 դասատուն-դասչիճներից, կային գրադարան և լաբորատորիա՝ ֆիզիկայով և քիմիայով զբաղելու համար: Շինութիւնը և կուրսերի պատրաստութիւնը միասին դործարանատիրոջը նստեցին մօտ 60.000 ֆրանկ: Բացի Բուրկարի բանւորներից, այդ երեկոյեան կուրսերը այցելում էին հարեւան գիւղերի բնակիչներից շատերը: Ուսումը ամբողջովին ձրի էր: 1863 թւի ցուցակից, որ բերում է Մասէն, երևում է որ աշակերտները ամենից շատ պարապելիս են եղել գծագրութեամբ (68 հոգի), յետոյ ֆրանսերէն լեզուով (53) և քիմիայով ու ֆիզիկայով (52): Ինչպէս երևում է, ընդհանուր զարգացողական առարկաները, ինչպէս գրականութիւնը, պատմութիւնը և աշխարհագրութիւնը, առանձին հարցասիրութիւն չէին պատճառում և այդ դասերը ամենից քիչ ունկնդիրներ ունէին (10—11 հոգի): Գերելլերի օրինակով 1866 թ. նոյն տեսակ կուրսեր բացւեցան Միւլհաուզէնում և այդտեղ 500 հոգի աշակերտ գրւեցան: Այդ թիւը, որ ցոյց է տալիս թէ որքան մեծ է բանւորների մէջ գիտութեան ծարաւը, աւելի նշանաւոր կը լինի, եթէ այժի առաջ ունենանք, որ Միւլհաուզէնում, ինչպէս և ուրիշ տեղեր, բանւորները պարապում էին օրեկան 12 ժամ և որ երեկոյեան կուրսերին ստորագրողներից շատերը բնակւում էին մօտակայ գիւղերում: Դոքա, գործը վերջացնելուց յետոյ, մի քանի վերստ էլ ճանապարհ պիտի կորէին տուն հասնելու համար: Զընայելով որ պարտաւոր էին ամեն օր երկար բանելու, նոքա սակաւաթիւ ազատ ժամերը նւիրում էին իրանց գիտութեան փոքրիկ պաշարը մեծացնելուն: Այս դէպքում բանւորները ցոյց տուին, որ լաւ են հասկանում իրանց իսկական շահերը: Ուրիշ երկիրների պատմութիւնից նոյնպէս կարելի է բազմաթիւ օրինակներ բերել, երբ բանւորները նոյնպէս սիրով վերաբերել են դէպի ուսումը: Յոյց տանք հէնց անգլիացի բանւորների դաշնակցութիւնները, որոնք առանց գործարանատիրոջ մասնակցութեան և օգնութեան, իրանք կազմում են գրադարաններ, հրապարակական դասախօսութիւններ, մինչև անգամ մասնագիտական ուսումնարաններ, հմուտ բանւորներ պատրաստելու համար: Թէև ֆրանսիացի բանւորները ցոյց չեն աւելիս այնպիսի ձեռներէցութիւն և ինքնապսաւհութիւն, որ Անգլիայի բանւոր դասակարգի յատկանիշն է, բայց նոցա մէջ էլ նկատւում է զօրաւոր

ձգտում դէպի լուսաւորութիւնը և այգպիսով նոքա բերրի հող են ներկայացնում դաշնակցութեան լուսաւոր գործունէութեան համար:

Գեաւիլլերի և Միւլհաուզինի կուրսերի կազմակերպութիւնը ուսումնասիրելուց և ուրիշ երկիրների նոյնանման հիմնարկութիւնների հետ ծանօթանալուց յետոյ, Մասէն եռանդով սկսեց քարոզել, որ նոյնպիսի կուրսեր բացեն Ֆրանսիայում և դաշնակցութեան խմբերը, իրանց գոյութեան սկզբից, ձեռնարկեցին այդ գործին: Կօլլմարում, Մեցում, Դիէպպում, Մարսէլում—ամեն տեղ էլ բացւում էին այդ տեսակ կուրսեր, ուր այցելում էին մեծ սիրով: Դոցա ծրագիրը մօտաւորապէս ամեն տեղ միևնոյն էր. ամեն տեղ աւանդւում էին սկզբնական ուսումնարանի առարկաներ, ինչպէս քերականութիւն, լեզուաբանութիւն, ու գծագրութիւն, յետոյ բնական գիտութիւններ—ֆիզիկա, քիմիա և առողջապահութիւն: Մի քանի շրջաններում այդ ծրագիրը բաւական ընդարձակել էին. Մեցում բացի այդ բոլորից՝ դաս էին տալիս պատմութիւնից և ներկայ իրաւունքից (дѣйствующее право): Շատ ընդարձակ ծրագիր մշակեց Association phoccene-ը Մարսէլում: Դասընթացի մէջ մտնում էին բարոյագիտութիւն, սոցիոլոգիա, տիեզերագրութիւն, կրօնական պատերազմների պատմութիւն, անգլիերէն և մինչև անգամ իտալերէն լեզուներ: Գեաւիլլերի օրինակով, աշակերտները միշտ իրանք էին ընտրում պարապման առարկան և պարտաւոր չէին բոլոր դասերը լսել: Այդ կուրսերը ամեն տեղ էլ ձրի էին: Դաշնակցութեան Պարիզի խումբերից մէկը՝ cercle de la rue Villehordonin, այդ տեսակ կուրսեր հիմնեց պրոֆեսորների աներում: Այդ տնային կուրսերը այն առաւելութիւնը ունին, որ աւելի սերտ կապեր են հաստատում ուսանողների և ուսուցիչների մէջ: Շաբաթը մէկ անգամ գրական երեկոյթ էին կազմում, ուր հաւաքւում էին կուրսերի (ներկայ) և հին ուսանողները և ուր խօսում էին կարդացած գրքերի մասին:

Որովհետև կուրսերը և ընթերցանութիւնները միայն ձմեռն էին տևում, մի քանի խմբեր, իրանց աշակերտների և ունկնդիրների հետ յարաբերութիւնը չը կտրելու համար, նրանց հետ միասին կիւրակօթեայ զբօսանքներ և արշաւանքներ էին կատարում ամառայն ամիսներում: Զբօսանքներին նպատակ էին տրւում՝ գործարաններ և

արևեստանոցներ այցելել, որոնք կարող էին հետաքրքիր և օգտաւէտ լինել բանւորների համար:

Դաշնակցութեան նպատակներից մէկն էր՝ երեխայոց համար ուսումնարաններ շինելը. բայց առաջին տարիներում այդ գործը բաւական ծանր էր գնում, մասամբ նորա համար, որ ուսումնարանների հիմնարկութիւնը համեմատաբար մեծ ծախսեր էր պահանջում, մասամբ էլ նորա համար որ այդ պահանջը այնքան ստիպողական չէր, որովհետև շատ երեխաներ ուսումնարան չէին գնում ոչ թէ դպրոցների պակասութեան պատճառով, այլ ծնողների աղքատութեան պատճառով: Ուստի դաշնակցութեան անդամները աշխատում էին գլխաւորապէս չքաւոր երեխաներին դպրոց ուղարկել, նրանց ուսման վարձը վճարելով (ինչպէս օր., Միւլհաուզէնում) կամ նիւթական օգնութիւն անելով այն ընտանիքներին, որոնք չքաւորութեան պատճառով չեն կարողանում սկզբնական ուսում տալ իրանց զաւակներին: Հաւրի խումբը հետեւեալ նպատակներն է գնում իրան. խումբը մտադիր է փնտրել 7 մինչև 12 տարեկան երեխաներ որոնք դպրոց չեն յաճախում, ամեն կերպ աշխատել նոցա ծնողներին համոզելու որ իրանց զաւակներին ուսումնարան ուղարկեն, երեխաներին յարմար շորեր և գրքեր տալ, ուսման վարձը վճարել և նոցա յառաջագիմութեանը վերահասու լինել: Այդ բոլորին հասնելու համար ամեն մի թաղում (Հաւրում 28 թաղեր կան) նշանակում են երկու անդամ, որոնց պարտականութիւնն է փնտրել չը սովորող երեխաներին և ամեն միջոց գործ գնել նոցա ուսումնարան տանելու համար: Ուրիշ շատ խմբեր էլ անում էին միևնոյնը. օրինակ Պոնտ—Օտոմերի խմբի ծրագրում ուղղակի հետեւեալ յօդւածն ենք կարգում. «chasse aux enfants, qui ne vont pas à l'école»: Այդ խմբի հիմնադիրը—գրում է Մասէն—ինքը անձամբ որսում է փոքրիկ շրջմոլիկներին: Կասի Ժամանակ փողոցում հանդիպող ամեն մի երեխայի, կոնից ուղղակի բռնում է ու տանում ուսումնարան վճարելով նորա թոշակը: Խմբի անդամների պարտականութիւնն էր նոյնպէս վերահասու լինել, որ իրանց հոգատարութեան յանձնւած երեխաները ճշտութեամբ յաճախէին դպրոցը: Միւլհաուզէնի խումբը բացառիկ դէպքերում մինչև անգամ հետեւեալ միջոցն էր գործ գնում ծնողներին հարկադրելու որ իրանց զաւակներին ուսումնարան

ուղարկեն. որովհետեւ շատ ընտանիքներում 10—12 տարեկան երեխաները արդէն աշխատանք են անում, որից նոքա զրկւում են երբ երեխաները ուսումնարան են գնում. ուստի խումբը վճարում էր այդ ընտանիքներին նոյն գումարը, որը նոքա պիտի ստանային իրանց որդիների աշխատանքից. այսպիսով նրանք սկզբնական ուսում էին ստանում աւանց նիւթական ֆաբրիկայի պատճառելու իրանց ծնողներին: Շատ խմբեր շինում էին նաեւ այսպէս ասած, «garderies de poupons» կամ մսուրներ, ամենափոքրիկ երեխաների համար, որպէս զի նոցա մեծ քոյրերին և եղբայրներին ազատեն նոցա վերայ հսկելուց, որը-ուսումնարան գնալու գլխաւոր արգելքներից մէկն էր: Այդպիսի մսուրներ շինելը ամեն տեղ կանանց դործն էր: Առհասարակ կանայք նշանաւոր դեր էին խաղում դաշնակցութեան գործում: Բաւական է չիշել Վերսալի խմբի նախագահին՝ m-me Hippolite Meunien-ին, որը քսանից աւելի գիւղերում գրադարաններ է հիմնել և այդ բոլոր գիւղերում ամբողջ շարք ընթերցանութիւններ է կազմել ժողովրդի համար:

Վերջապէս դաշնակցութեան անդամները սկսեցին հիմնել այսպէս կոչւած ժողովրդական ակումբներ՝ գերմանական Arbeiterbildungsvereine-ի օրինակով: Առաջին ժողովրդական ակումբը Ֆրանսիայում բացւեց 60-ական թւերին Միւլհաուզէնում, ուր դորա համար կառուցւեց մի առանձին շինութիւն, որի մէջ պարունակւում էին գրադարան, թանգարան և մի քանի դահլիճներ նւագահանդէսների համար: Բանւորները արձակ ժամերին գալիս են այստեղ իրար հետ խօսելու, լրագիրներ կարդալու, դոմինօ և ճատրակ (շախմատ) խաղալու (թղթախաղը բոլորովին զուրս է ձգւած այդ տեսակ ակումբներից): Նորա օրինակով ուրիշ խմբեր ևս շինում էին ժողովրդական ակումբներ: Առաջին իսկ տարում բազմաթիւ ակումբներ շինւեցան (երկու ակումբ 1750 անդամներով Տաննում, Գերլիլերում և այլ տեղեր): Մի քանի խմբեր, միջոցների սղութեան պատճառով, գրադարանի շինութեան մէջ էին ակումբ հիմնում: Երբեմն ակումբին կից շինւում էին բնագիտական և արհեստագիտական թանգարաններ, որոնք զօրաւոր նպաստ էին հրապարակական դաստիարակութիւններին և երեկոյեան կուրսերին:

Այս համառօտ նկարագրութիւնից երեւում է, թէ որքան ընդար-

ձակ և բազմակերպ գործունէութիւն ունէր գաշնակցութիւնը: Երեք տարի չ'անցած (1867-ից մինչև 1870-ի սկիզբը), նա 17,856 անդամ ճարեց և 59 տեղական խմբեր հիմնեց: Այսպիսի ընդարձակ ձեռնարկութիւնը պահանջում էր արդէն աւելի կանոնաւոր և կենտրոնացած գործավարութիւն. այդ պատճառով Մասէն Պարիզի խմբին յանձնեց կենտրոնական բիւրօն և տեղեկագրերի տպագրութիւնը, իսկ ինքը գնաց՝ զաւառներում դաշնակցութեան գազափարները անձամբ քարոզելու:

Ֆրանսիական-գերմանական կռիւ ժամանակ դաշնակցութիւնը հարկաւ դադարեցրեց իւր գործունէութիւնը. բայց հէնց որ կայացաւ հաշտութիւնը, ամենքը ահագին եռանդով սկսեցին գործել: Եւրոպայի ուսուցիչը մեզ յաղթեց, նա ինքն էլ մեր վրէժը կառնիւ— ասում է Մասէն: Եւ ահա ուսուցչի գործունէութեանը կատարեալ ընդարձակութիւն տալու համար, գաշնակցութիւնը վճռեց սկզբնական ուսումը ֆրանսիայում պարտադիր և ձրի դարձնել ութութեան միջոցով: 1871 թւի հոկտեմբերին բոլոր զաւառական խմբերին խնդրեցին և ստորագրութեան թերթեր ուղարկեցին: Այդ ձեռնարկութեան փոստի ծախսերը ծածկելու համար, դաշնակցութեան, յանձնաժողովը ուղարկելով այդ թերթերը, խնդրում էր ամենին իրանց ստորագրութեան հետ մէկ-մէկ սու տալ (մօտ մէկ կոպէկ): Այդ պատճառով ամբողջ, «խնդրամատոյց շարժումը» (mouvement pétitionnaire) վերջերում կռւեց «կոպէկի շարժում» ազիտութեան դէմ: Խնդիրները այսպիսի հետեւանք ունեցան. կէս տարի անցած 847.761 ստորագրութիւն էր հաւաքւել, իսկ մի տարի յետոյ աւելացան էլի 69.506 ստորագրութիւն: Բոլոր ստորագրութիւնների թիւը 1.267.267-ի էր հասնում, հաշւելով նաև կռիւից առաջ Ստրասբուրգում հաւաքած ստորագրութիւնները: Այդ ամենախոշոր խնդրամատոյց շարժումն էր, որ երբ և իցէ եղել էր ֆրանսիայում: Մասէն կարող էր հպարտութեամբ ասել որ իւր աշխատանքը իզուր չ'ը կորաւ և դաշնակցութիւնը իւր նպատակին հասաւ: Մի համեստ ընկերութիւն, որի նպատակն էր կրթութիւն տարածել ժողովրդի մէջ և որը հիմնւել էր Ելզասի բոլորովին յետընկած գիւղի անյայտ և աղքատ ուսուցչի անխոնջ եռանդի շնորհով—այդ ընկերութիւնը անեց և դարձաւ ազգային մեծ գործ և ֆրանսիայի ազգային կրթութեան նշանաւոր

գործոն: Իհարկէ գրեթէ անհնար կը լինէր մէկուկէս միլիոն ստորագրութիւն հաւաքել, եթէ ամբողջ Ֆրանսիայում սփռւած չը լինէր դաշնակցութեան տեղական խմբերի ցանցը, որի շնորհիւ մի տեսակ կապ հաստատուեց այդ ասպարիզում գործող մարդկանց մէջ: Ֆրանսիայի բոլոր քաղաքներում և գիւղերում սփռւած, դաշնակցութեան անդամները ջերմ համակրութիւն ցոյց տւին պարտադիր և ձրի ուսման գաղափարին և ամենքն էլ եռանդով սկսեցին ստորագրութիւն հաւաքել: Հողը արդէն պատրաստ էր դորա համար և ահա թէ ինչու այնպիսի փայլուն արդիւնք ստացուեց:

Բայց այդ շարժումը սաստիկ տրուենջ յարուցեց կղերականների կողմից, որոնք նորա ծագման միջոցին արդէն չափազանց չարամտութեամբ վերաբերւեցան, այդ շարժման մէջ իրանց համար վտանգաւոր թշնամի տեսնելով: Ազգային ժողովը չուզեց հերթական հարցերի շարքում դնել ձրի և պարտադիր ուսման խնդիրը և խնդիրները ուղարկւեցան Ռիպանլուին, որը նախագահում էր պարլամենտից նշանակւած ժողովրդային կրթութեան յանձնաժողովին: Նախագահը ցանկանում էր խնդիրները անուշադիր թողնել, բայց դաշնակցութեան անդամները վճռողական մարդիկ էին. նոքա շարունակ եռանդով ձգտում էին դէպի իրանց նպատակը: Պարիզի խմբի նախագահ Էմ. Վոշէն, հետեւեալ հնարը գտաւ, խնդիրների ազդեցութիւնը զօրացնելու համար. նա դիմեց բոլոր ժողովրդի ընտրեալ երեսփոխաններին — պարլամենտի անդամներին, գաւառական խորհրդականներին, մէրերին և այլն — և խնդրեց նոցա ձեռք քաշել խնդիրների տակ: Հինգ շաբթւայ մէջ ստորագրւեցին 35 հազար ընտրեալ պատգամաւորներ, որոնք Ֆրանսիայի 14 — 15 միլիոն բնակիչների ցանկութիւնները արաայայտողն էին հանդիսանում: Բայց դժբաղդաբար այդ շարժման ամենաուրախ ժամանակը Թիերի նախագահութիւնը ընկաւ և իշխանութիւնը անցաւ դաշնակցութեան վաղեմի թշնամի կղերականութեան ձեռքը: Դժբաղդ օրեր վերայ հասան դաշնակցութեան համար. պրեֆէկտները արգելում էին հրապարակական դասախօսութիւնները, փակում էին գրադարանները և ժողովրդական ակումբները: Ուսումնարաններին հրաման էր տրւած դաշնակցութիւնից ոչինչ նպատակ չ'ընդունել, ուսուցիչներին պատուիրւած էր դուրս գալ ընկերութեան անդամակցութիւնից: Մինչև անպամ Հոմայ Պապը

խառնեց այդ գործում և իւր կանոնական կոնդակում առ 1872 թւի նոյեմբերի 22, որոտաձայն նշուքներ թափեց այդ «վնասակար» հիմնարկութեան գլխին: Կարելի էր կարծել թէ դաշնակցութիւնը սանուլ տաւ արդէն իւր գործը և այդքան ջանքն ու աշխատութիւնը իզուր կորան: Բայց դաշնակցութեան զաղափարները այնքան խոր արմատ էին գցել Ֆրանսիայի հասարակութեան մէջ, որ չը նայած նորա դէմ յարուցւած հալածանքին՝ 1876 թւին նա ունէր 30.000 անդամ և հիմնած ունէր 210 խմբեր, 400-ից աւել զրադարաններ համայնքներում և 175 զրադարան զօրատներում: Իսկ երբ կղերական նախարարութիւնը ընկաւ և կառավարութեան գլուխ անցաւ Ժիւլ Ֆերրին, դաշնակցութիւնը քաղաքացիական իրաւունք ստացաւ և նորա օրինագիծը՝ պարտադիր և ձրի ուսում մտցնել, ընդունեց և հաստատուեց պատգամաւորների պալատում: 1889 թւին, դաշնակցութեան մէջ մոտոզ բոլոր ընկերութիւնների ներկայացուցիչները առաջին անգամ կոնգրէս կազմեցին: Այդ ժողովում մշակեց դաշնակցութեան կանոնադրութիւնը և զԺւեց այն ճանապարհը, որով նա պիտի ընթանայ ապագայում: Այդ ժողովում Մասէն ճառ խօսեց, որով յայտնում էր թէ դաշնակցութիւնը այսուհետեւ էլ պիտի ազատ լինի կուսակցական ոգուց. «մեր գործն է՝ ընտրողներ ստեղծել, ոչ թէ՝ ընտրութիւններ անել», — ասում է նա: «Նախ չարչարեցանք մինչև որ ազատ ժողովուրդ դարձանք: Ուրեմն աշխատենք պահել այդ ազատութիւնը, իսկ դա միայն այն ժամանակը կարելի է, երբ մեզանից ամեն մէկը այդ ազատութեան պահպան կը լինի: Երբ այդպիսով դաշնակցութիւնը պետական հաստատութիւն ստացաւ, այնուհետեւ ամեն տարի կոնգրէսներ էին կազմում, իսկ 1889 թւին դաշնակցութիւնը առաջին անգամ միջազգային կոնգրէս կազմեց ժողովրդային կրթութեան մասնաւոր նախաձեռնողներից: Այդ կոնգրէսին մասնակցում էին բոլոր եւրոպական տէրութիւնները, մինչև անգամ Զինաստանը, Ճապոնը, Արգենտինեան հասարակապետութիւնը և ուրիշներ: Այդտեղ վճռեց ժողովրդային կրթութեան միջազգային դաշնակցութիւն կազմել: Ֆրանսիական դաշնակցութիւնը, որ իւր գոյութեան 25 տարւայ ընթացքում 200-ից աւել խմբեր էր կազմել, այժմ աւելի ընդարձակում է իւր նպատակները, և, ինչպէս Մասէն

ասում է, «անցնում է միջազգային խաչակրութեան գլուխը լողիտութեան դէմ արշաւելուն»:

Տեսանք, թէ Թրանսիայի ժողովրդի կրթութեան գործում ինչ մեծ նշանակութիւն ունեցան մասնաւոր մարդկանց ջանքերը, որոնք իրանց սիրտն ու հոգին ամբողջապէս նւիրել էին ընտրած գործին:

Թրանսիական դաշնակցութեան պատմութիւնը ցոյց է տալիս. թէ ինչեր կարելի է անել եռանդով և միաբան գործելով: Մեզ քննում է միայն ցանկանալ, որ այդ դաշնակցութեան օրինակը գէթ մասամբ նպաստէ մեզ մօտ ևս նոյնպիսի հաստատութիւնների կազմելուն: